



門 武 9
100
卷 27



新編金匱要畧方論卷之中



漢張仲景著

晉

王叔和撰次

○五臟風寒積聚病脉證并治第十一

論二首 脉證十七條 方二首

肺中風者、口燥而喘、身運而重、冒而腫脹、○肺中寒、吐濁涕、○肺死、臍浮之虛、按之弱、如葱葉下無根者死、

肝中風者、頭目暈、兩脇痛、行常偃、令人嗜甘、○肝中寒者、兩臂不舉、舌本燥、喜太息、胸中痛、不得轉側、食則吐而汗

出也、脉經千金云時盜汗欬食已吐其汗○肝死、臍浮之弱、按之如索不來

或曲如蛇行者死、○肝着、其人常欲蹈其胸上、先未苦時、

但欲飲熱旋復花湯主之臣億等校諸本旋復花湯方皆同

心中風者翕翕發熱不能起心中饑食即嘔吐○心中寒者其人苦病心如噉蒜狀劇者心痛徹背背痛徹心譬如蠱注其脉浮者自吐乃愈○心傷者其人勞倦即頭面赤而下重心中痛而自煩發熱當臍跳其脉弦此為心臟傷所致也○心死臟浮之實如麻豆按之益躁疾者死○邪哭使魂魄不安者血氣少也血氣少者屬於心心氣虛者其人則畏合目欲眠夢遠行而精神離散魂魄妄行陰氣衰者為癩陽氣衰者為狂

脾中風者翕翕發熱形如醉人腹中煩重皮目瞶瞶而短

氣○脾死臟浮之大堅按之如覆盂絮絮狀如搖者死臣億

等詳五臟各有中風中寒今脾只載中風腎中風中寒俱不載者以古文簡亂極多去古既遠無文可以補綴也

跌陽脉浮而濇浮則胃氣強濇則小便數浮濇相搏大便則堅其脾為約麻子仁丸主之

麻子仁丸方

麻子仁二升

芍藥半斤

枳實一斤

大黃一斤

厚朴尺一

杏仁升一

右六味末之煉蜜和凡梧子大飲服十九日三以知為度

腎着之病其人身體重腰中冷如坐水中形如水狀反不

渴小便自利飲食如故病屬下焦身勞汗出衣一作裏冷

反不渴
三字當
在小便

順利下

濕父父得之腰以下冷痛腰重如帶五千錢甘薑苓朮湯主之

甘草乾薑茯苓白朮湯方

甘草

白朮 各二兩

乾薑

茯苓 各四兩

右四味以水五升煮取三升分溫三服腰中即溫

腎死臟浮之堅按之亂如轉丸益下入尺中者死

問曰三焦竭部上焦竭善噫何謂也師曰上焦受中焦氣

未和不能消穀故能噫耳下焦竭即遺溺失便其氣不和

不能自禁制不須治父則愈

師曰熱在上焦者因欬為肺痿熱在中焦者則為堅熱在

下焦者則尿血亦令淋秘不通大腸有寒者多驚漉有熱者便腸垢小腸有寒者其人下重便血有熱者必痔

問曰病有積有聚有滯氣何謂也師曰積者藏病也終不

移聚者府病也發作有時展轉痛移為可治滯氣者脇下

痛按之則愈復發為滯氣諸積大法脈來細而附骨者乃

積也寸口積在胸中微出寸口積在喉中關上積在臍傍

上關上積在心下微下關積在小腹尺中積在氣衝脈出

左積在左脈出右積在右脈兩出積在中央各以其部處之

○痰飲欬嗽病脈證并治第十二 論一首 脈證二十一條 方十九首

痰或
下同

問曰夫飲有四何謂也師曰有痰飲有懸飲有溢飲有支飲○問曰四飲何以爲異師曰其人素盛今瘦水走腸間歷歷有聲謂之痰飲飲後水流在脇下欬唾引痛謂之懸飲飲水流行歸於四肢當汗出而不汗出身體疼重謂之溢飲欬逆倚息短氣不得卧其形如腫謂之支飲○水在心心下堅築短氣惡水不欲飲○水在肺吐涎沫欲飲水○水在脾少氣身重○水在肝脇下支滿噎而痛○水在腎心下悸○夫心下有留飲其人背寒冷如手大○留飲者脇下痛引缺盆欬嗽則輒已一作轉甚○胸中有留飲其人短氣而渴四肢歷節痛脉沉者有留飲○膈上病痰滿喘

欬吐發則寒熱背痛腰疼目泣自出其人振振身瞤劇必
有伏飲○夫病人飲水多必暴喘滿凡食少飲多水停心
下甚者則悸微者短氣脉雙弦者寒也皆大下後裏虛脉
偏弦者飲也○肺飲不弦但苦喘短氣○支飲亦喘而不
能卧加短氣其脉平也○病痰飲者當以温藥和之
心下有痰飲胸脇支滿目眩苓桂朮甘湯主之

苓桂朮甘湯方

茯苓四兩

桂枝

白朮

各三兩

甘草

二兩

右四味以水六升煮取三升分温三服小便則利

夫短氣有微飲當從小便去之苓桂朮甘湯主之上方見

若名訂正其女婚儀去凶年

卦象內兌悅
外坤順

本卦地澤臨

悅則不廢
順則不逆



中卦地雷復



一陽來復
物盡之文始此

之卦水雷屯

內震起坎後
外坎起震前



臨九二曰咸臨吉无不利
曰六五曰知臨大君之宜吉

臨卦卦辭吉易斷占
婚姻平吉

屯卦白蟻占

婚姻有妨而遲滯但

後吉

屯卦辭曰元亨利貞勿用有攸往利建侯

九二曰屯如遭屯乘馬班如匪寇婚媾女子貞不字十年乃字

六四乘馬班如求婚媾往吉无不利

府内三文字屋長女婚儀吉山写名

本卦 火雷噬嗑



無变

婿口舌之念

新井白蛇古占

婚姻有妨又成亦夫妻

雅和

腎氣丸亦主之。方見婦人雜病中

病者脉伏其人欲自利利反快雖利心下續堅滿此為留飲欲去故也甘遂半夏湯主之

甘遂半夏湯方

甘遂 大者三枚 半夏 十二枚以水一升煮取半升去滓

芍藥 五枚 甘草 如指大一枚炙一本無

右四味以水二升煮取半升去滓以蜜半升和藥汁煎取八合頓服之

脉浮而細滑傷飲○脉弦數有寒飲冬夏難治○脉沉而弦者懸飲內痛○病懸飲者十棗湯主之

十棗湯方

芫花 熬 甘遂 大戟 各等分

右三味搗篩以水一升五合先煮肥大棗十枚取九合去滓內藥末強人服一錢七羸人服半錢平且溫服之不下者明日更加半錢得快下後糜粥自養

病溢飲者當發其汗大青龍湯主之○小青龍湯亦主之

大青龍湯方

麻黃 六兩去節 桂枝 二兩去皮 甘草 二兩炙 杏仁 四十箇去皮尖

生薑 三兩 大棗 十二枚 石膏 如雞子大碎

右七味以水九升先煮麻黃減二升去上沫內諸藥煮

取三升去滓溫服一升取微似汗汗多者溫粉粉之
小青龍湯方

麻黃

去節
三兩

芍藥

三兩

五味子

升半

乾薑

三兩

甘草

炙
三兩

細辛

三兩

桂枝

三兩
去皮

半夏

半升
湯洗

右八味以水一斗先煮麻黃減二升去上沫內諸藥煮
取三升去滓溫服一升

膈間支飲其人喘滿心下痞堅面色黧黑其脉沉緊得之
數十日醫吐下之不愈木防已湯主之虛者即愈實者三
日復發復與不愈者宜木防已湯去石膏加茯苓芒硝湯
主之

木防已湯方

木防已

三兩

石膏

十二枚
雞子大

桂枝

二兩

人參

四兩

右四味以水六升煮取二升分溫再服

木防已加茯苓芒硝湯方

木防已

桂枝

各二兩

芒硝

三合

人參

茯苓

各四兩

右五味以水六升煮取二升去滓內芒硝再微煎分溫
再服微利則愈

心下有支飲其人苦冒眩澤瀉湯主之

澤瀉湯方

澤瀉五兩

白朮二兩

右二味以水二升煮取一升分温再服

支飲胸滿者厚朴大黃湯主之

厚朴大黃湯方

厚朴尺一

大黃六兩

枳實四枚

右三味以水五升煮取二升分温再服

支飲不得息葶藶大棗瀉肺湯主之

方見肺癰中

嘔家本渴渴者為欲解今反不渴心下有支飲故也小半

夏湯主之

千金云小半夏湯加茯苓

小半夏湯方

半夏升一

生薑半斤

右二味以水七升煮取一升半分温再服

腹滿口舌乾燥此腸間有水氣已椒蘆黃丸主之

已椒蘆黃丸方

防已

椒目

葶藶熬

大黃各一兩

右四味末之蜜丸如梧子大先食飲服一丸日三服稍

增口中有津液渴者加芒硝半兩

卒嘔吐心下痞膈間有水眩悸者小半夏加茯苓湯主之

小半夏加茯苓湯方

半夏升一

生薑半斤

茯苓三兩一分云四兩

右三味水七升煮取一升五合分温再服

假令瘦人臍下有悸吐涎沫而眩癩此水也五苓散主之

五苓散方

澤瀉一兩一分 猪苓三分 茯苓三分

白朮三分 桂二分

右五味為末白飲服方寸七日三服多飲暖水汗出愈

附方

外臺茯苓飲治心胸中有停痰宿水自吐出水後心胸間虛氣滿不能食消痰氣令能食

茯苓

人參

白朮各三兩

枳實二兩

橘皮二兩半

生薑四兩

右六味水六升煮取一升八合分温三服如人行八九里進之

欬家其脉弦為有水十棗湯主之方見上

夫有支飲家欬煩胸中痛者不卒死至一百日一歲宜十

棗湯方見上

久欬數歲其脉弱者可治實大數者死其脉虛者必苦冒其人本有支飲在胸中故也治屬飲家

欬逆倚息不得卧小青龍湯主之方見上文

青龍湯下已多唾口燥寸脉沉尺脉微手足厥逆氣從小

腹上衝胸咽手足痺其面翕然熱如醉狀醫復下流陰股
小便難時復冒者與茯苓桂枝五味甘草湯冷其氣衝
桂苓五味甘草湯方

茯苓四兩 桂枝四兩 去皮 甘草炙三兩 五味子半升

右四味以水八升煮取三升去滓分溫三服

衝氣即低而反更欬胸滿者用桂苓五味甘草湯去桂加
乾薑細辛以治其欬滿

苓甘五味薑辛湯方

茯苓四兩 甘草 乾薑

細辛各三兩 五味子半升

右五味以水八升煮取三升去滓溫服半升日三服
欬滿即止而更復渴衝氣復發者以細辛乾薑為熱藥也
服之當遂渴而渴反止者為支飲也支飲者法當冒冒者
必嘔嘔者復內半夏以去其水

桂苓味甘去桂加薑辛夏湯方

茯苓四兩 甘草 細辛

乾薑各二兩 五味子各半升 半夏各半升

右六味以水八升煮取三升去滓溫服半升日三服

水去嘔止其人形腫者加杏仁主之其證應內麻黃以其
人遂痺故不內之若逆而內之者必厥所以然者以其人

血虛麻黃發其陽故也、

苓甘薑味辛夏仁湯方、

茯苓四兩

甘草三兩

五味子半升

乾薑三兩

細辛三兩

半夏半兩

杏仁半升去皮尖

右七味以水一斗、煮取三升、去滓、溫服半升、日三服、

若面熱如醉、此為胃熱上衝、熏其面、加大黃以利之、

茯苓甘薑味辛夏仁黃湯方、

茯苓四兩

甘草三兩

五味子半升

乾薑三兩

細辛三兩

半夏半升

杏仁半升

大黃三兩

右八味以水一斗、煮取三升、去滓、溫服半升、日三服、

不肯一作利不

先渴後嘔、為水停心下、此屬飲家、小半夏加茯苓湯主之、方見上

○消渴小便利、淋病脉證并治第十三 證九條方六首

厥陰之為病、消渴、氣上衝心、心中疼熱、飢而不欲食、食即

吐、蛇下之不肯止、○寸口脉浮而遲、浮即為虛、遲即為勞、

虛則衛氣不足、勞則榮氣竭、○跌陽脉浮而數、浮即為氣、

數即消穀而大堅、乙作緊氣盛則溲數、溲數即堅、堅數相搏、

即為消渴、

男子消渴、小便反多、以飲一斗、小便一斗、腎氣丸主之、方見

婦人雜病中

脉浮小便不利、微熱消渴者、宜利小便發汗、五苓散主之、

渴欲飲水、水入則吐者、名曰水逆、五苓散主之。上方見
渴欲飲水、不止者、文蛤散主之。

文蛤散方、

文蛤 四兩

右一味、杵為散、以沸湯五合和服、方寸七、

淋之為病、小便如粟狀、小腹弦急、痛引臍中、○跌陽脈數、胃中有熱、即消穀引食、大便必堅、小便即數、○淋家不可發汗、發汗則必便血、

小便不利者、有水氣、其人苦渴、括萹瞿麥丸主之、

括萹瞿麥丸方、

括萹根 二兩 茯苓 各三兩

附子 一枚 瞿麥 一兩

右五味、末之、煉蜜丸、梧子大、飲服三丸、日三服、不知增、至七八丸、以小便利、腹中溫為知、

小便不利、蒲灰散主之、滑石白魚散、茯苓戎鹽湯並主之、

蒲灰散方、

蒲灰 七分 滑石 二分

右二味、杵為散、飲服方寸七、日三服、

滑石白魚散方、

滑石 二分 亂髮 二分 白魚 二分

右三味杵為散飲服半錢七日三服、

茯苓戎鹽湯方、

茯苓^{半斤} 白朮^{二兩} 戎鹽^{彈丸大一枚}

右三味先將茯苓白朮煎成入鹽再煎分溫三服

渴欲飲水口乾舌燥者白虎加人參湯主之、方見中

脈浮發熱渴欲飲水小便不利者猪苓湯主之、

猪苓湯方、

猪苓^{去皮} 茯苓 阿膠

滑石 澤瀉^{各一兩}

右五味以水四升先煮四味取二升去滓內膠烱消溫

服七合日三服、

○水氣病脈證并治第十四 論七首 方十首 脈證五條

師曰病有風水有皮水有正水有石水有黃汗風水其脈自浮外證骨節疼痛惡風皮水其脈亦浮外證附腫按之沒指不惡風其腹如鼓不渴當發其汗正水其脈沉遲外證自喘石水其脈自沉外證腹滿不喘黃汗其脈沉遲身發熱胸滿四肢頭面腫久不愈必致癰膿○脈浮而洪浮則為風洪則為氣風氣相搏風強則為隱疹身體為痒痒為泄風久為痲癩氣強則為水難以俛仰風氣相搏身體洪腫汗出則愈惡風則虛此為風水不惡風者小便通利

按脾
恐是肺
字
按脈
經黃作
共

上焦有寒其日多涎此為黃汗○寸口脈沉滑者中有水
氣面目腫大有熱名曰風水視人之目裹上微擁如蠶新
卧起狀其頸脈動時時欬按其手足上陷而不起者風水
○太陽病脈浮而緊法當骨節疼痛反不疼身體反重而
酸其人不渴汗出即愈此為風水惡寒者此為極虛發汗
得之渴而不惡寒者此為皮水身腫而冷狀如周痺胸中
窒不能食反聚痛暮躁不得眠此為黃汗痛在骨節欬而
喘不渴者此為脾脹其狀如腫發汗即愈然諸病此者渴
而下利小便數者皆不可發汗○裏水者一身面目黃腫
其脈沉小便不利故令病水假如小便自利此亡津液故

治一
作治

令渴也越婢加朮湯主之方見下○趺陽脈當伏今反緊本
自有寒疝腹中痛醫反下之下之即胸滿短氣○趺陽
脈當伏今反數本自有熱消穀小便數今反不利此欲作
水○寸口脈浮而遲浮脈則熱遲脈則潛熱潛相搏名曰
沉跌陽脈浮而數浮脈即熱數脈即止熱止相搏名曰伏
沉伏相搏名曰水沉則絡脈虛伏則小便難虛難相搏水
走皮膚即為水矣○寸口脈弦而緊弦則衛氣不行即惡
寒水不沾流走於腸間○少陰脈緊而沉緊則為痛沉則
為水小便即難脈得諸沉當責有水身體腫重水病脈出
者死○夫水病人目下有卧蠶面目鮮澤脈伏其人消渴

飲字下
一有水

病水腹大、小便不利、其脉沉絕者有水、可下之。

問曰、病下利後渴飲、小便不利、腹滿因腫者何也、答曰、此法當病水若小便自利及汗出者自當愈。○心水者、其身重而少氣不得卧、煩而燥、其人陰腫。○肝水者、其腹大不能自轉側、脇下腹痛、時時津液微生、小便續通。○肺水者、其身腫、小便難、時時鴨漉。○脾水者、其腹大、四肢苦重、津液不生、但苦少氣、小便難。○腎水者、其腹大、臍腫、腰痛、不得溺、陰下濕如牛鼻上汗、其足逆冷、面反瘦。○師曰、諸有水者、腰以下腫、當利小便、腰以上腫、當發汗乃愈。○師曰、寸口脉沉而遲、沉則為水、遲則為寒、寒水相搏、趺陽脉伏

水穀不化、脾氣衰則驚漉、胃氣衰則身腫、少陽脉革、少陰脉細、男子則小便不利、婦人則經水不通、經為血、血不利則為水、名曰血分。

當一
作常

當一
作尚

擊一
作擊

問曰、病者苦水、面目身體四肢皆腫、小便不利、脉之不言水、反言胸中痛、氣上衝咽、狀如炙肉、當微欬喘、審如師言、其脉何類、師曰、寸口脉沉而緊、沉為水、緊為寒、沉緊相搏、結在關元、始時當微、年盛不覺、陽衰之後、榮衛相干、陽損陰盛、結寒微動、腎氣上衝、喉咽塞噎、脇下急痛、醫以為留飲而大下之、氣擊不去、其病不除、復重吐之、胃家虛煩、咽燥欲飲水、小便不利、水穀不化、面目手足浮腫、又與葶藶

凡下水當時如小差、食飲過度、腫復如前、胸脇苦痛、象若奔豚、其水揚溢、則浮咳喘逆、當先攻擊衝氣、令止、乃治、欬、欬止、其喘自差、先治新病、病當在後、
風水脉浮、身重汗出惡風者、防已黃耆湯主之、腹痛加芍藥、

防已黃耆湯方

防已二兩

黃耆一分二兩

白朮三分

甘草半兩

右剉、每服五錢匕、生薑四片、棗一枚、水盞半、煎取八分、去滓、溫服、良久再服、

風水惡風、一身悉腫、脉浮不渴、續自汗出、無大熱、越婢湯

主之、

越婢湯方

麻黃六兩

石膏半斤

生薑三兩

大棗十五枚

甘草二兩

右五味、以水六升、先煮麻黃、去上沫、內諸藥、煮取三升、分溫三服、○惡風者、加附子一枚炮、○風水、加木四兩、

古今錄驗

皮水為病、四肢腫、水氣在皮膚中、四肢聶聶動者、防已茯苓湯主之、

防已茯苓湯方

防己兩三

黃耆兩三

桂枝兩三

茯苓兩六

甘草兩二

右五味以水六升煮取二升分溫三服

裏水越婢加朮湯主之甘草麻黃湯亦主之

越婢加朮湯方

見上於內加白朮四兩又見脚氣中

甘草麻黃湯方

甘草兩二

麻黃兩四

右二味以水五升先煮麻黃去上沫內甘草煮取二升溫服一升重覆汗出不汗再服慎風寒

水之為病其脉沉小屬少陰浮者為風無水虛脹者為氣

水字下脫發字

水其汗即已脉沉者宜麻黃附子湯浮者宜杏子湯

麻黃附子湯方

麻黃兩三

兩三

甘草兩二

兩二

附子一枚

炮一枚

右三味以水七升先煮麻黃去上沫內諸藥煮取二升半溫服八分日三服

杏子湯

厥而皮水者蒲灰散主之

上方見上

問曰黃汗之為病身體腫

一作重

發熱汗出而渴狀如風水

汗沾衣色正黃如蘗汁脉自沉何從得之師曰以汗出入水中浴水從汗孔入得之宜耆芍桂酒湯主之

一本分作合

黃耆芍桂苦酒湯方

黃耆五兩

芍藥三兩

桂枝三兩

右三味以苦酒一升水七升相和煮取三升溫服一升

當心煩服至六七日乃解若心煩不止者以苦酒阻故

也一方用美酒醖代苦酒

黃汗之病兩脛自冷假令發熱此屬歷節食已汗出又身常暮盜汗出者此勞氣也若汗出已反發熱者久久其身必甲錯發熱不止者必生惡瘡若身重汗出已輒輕者久久必身羸即胸中痛又從腰以上必汗出下無汗腰體弛痛如有物在皮中狀劇者不能食身疼重煩燥小便不利

利字下
服此字

為黃汗桂枝加黃耆湯主之

桂枝加黃耆湯方

桂枝

芍藥各三兩

甘草二兩

生薑三兩

大棗十二枚

黃耆二兩

右六味以水八升煮取三升溫服一升須臾飲熱稀粥一升餘以助藥力溫覆取微汗若不汗更服

師曰寸口脈遲而澹遲則為寒澹為血不足跌陽脈微而遲微則為氣遲則為寒寒氣不足則手足逆冷手足逆冷則榮衛不利榮衛不利則腹滿腸鳴相逐氣轉膀胱榮衛俱勞陽不通即身冷氣不通即骨痛陽前通則惡寒陰前

通則痺不仁、陰陽相得其氣乃行、大氣一轉其氣乃散、實則失氣、虛則遺尿、名曰氣分。

氣分、心下堅、大如盤、邊如旋杯、水飲所作、桂枝去芍藥加麻黃細辛附子湯主之。

桂枝去芍藥加麻黃細辛附子湯方、

桂枝 生薑各三兩 甘草二兩 大棗十二枚

麻黃 細辛各三兩 附子一枚

右七味、以水七升、煮麻黃去上沫、內諸藥、煮取二升、分溫三服、當汗出如虫行皮中、即愈。

心下堅、大如盤、邊如旋杯、水飲所作、枳朮湯主之。

枳朮湯方、

枳實七枚 白朮二兩

右二味、以水五升、煮取三升、分溫三服、腹中臈、即當散也。

附方

外臺防己黃耆湯、治風水、脉浮為在表、其人或頭汗出、表無他病、病者但下重、從腰以上為和、腰以下當腫及陰、難以屈伸。方見風濕中

○黃疸病、脉證并治第十五。論二首 方七首 脉證十四條

寸口脉浮而緩、浮則為風、緩則為痺、痺非中風、四肢苦煩

概按自利之下當有名

概按一本靖言了作嚴言小

脾色必黃、痰熱以行。○跌陽脉緊而數、數則為熱、熱則消穀、緊則為寒、食即為滿、尺脉浮為傷腎、跌陽脉緊為傷脾、風寒相搏、食穀即眩、穀氣不消、胃中苦濁、濁氣下流、小便不通、陰被其寒、熱流膀胱、身體盡黃、名曰穀疸。○額上黑、微汗出、手足中熱、薄暮即發、膀胱急、小便自利、曰女勞疸、腹如水狀、不治。○心中懊懣而熱、不能食、時欲吐、名曰酒疸。○陽明病、脉遲者、食難用飽、飽則發煩、頭眩、小便必難、此欲作穀疸、雖下之、腹滿如故、所以然者、脉遲故也。○夫病酒黃疸、必小便不利、其候心中熱、足下熱、是其證也。○酒黃疸者、或無熱、靖言了腹滿欲吐、鼻燥、其脉浮者、先吐

之、沉弦者、先下之。○酒疸、心中熱、欲嘔者、吐之愈。○酒疸下之、久久為黑疸、目青面黑、心中如噉蒜虀狀、大便正黑、皮膚爪之不仁、其脉浮弱、雖黑微黃、故知之。

師曰、病黃疸、發熱煩喘、胸滿口燥者、以病發時、火劫其汗、兩熱所得、然黃家所得、從濕得之、一身盡發熱、面黃、肚熱、熱在裏、當下之。○脉沉、渴欲飲水、小便不利者、皆發黃。○腹滿、舌痿黃、燥不得睡、屬黃家。舌痿疑作身痿○黃疸之病、當以

十八日為期、治之十日以上、瘥、反極為難治。○疸而渴者、其疸難治、疸而不渴者、其疸可治、發於陰部、其人必嘔、陽部、其人振寒而發熱也。

極一作劇

穀疸之為病寒熱不食食即頭眩心胸不安又久發黃為穀疸茵陳湯主之、

茵陳湯方、

茵陳蒿 六兩

梔子 十四枚

大黃 二兩

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也、

黃家日晡時發熱而反惡寒此為女勞得之膀胱急少腹滿身盡黃額上黑足下熱因作黑疸其腹脹如水狀大便必黑時溇此女勞之病非水也腹滿者難治消石礬石散

主之、

消石礬石散方、

消石 燒等分

礬石 燒等分

右二味為末以大麥粥汁和服方寸匕日三服病隨大小便去小便正黃大便正黑是候也、

酒黃疸心中懊懺或熱痛梔子大黃湯主之、

梔子大黃湯方、

梔子 十四枚

大黃 一兩

枳實 五枚

豉 一升

右四味以水六升煮取二升分溫三服、諸病黃家但利其小便假令脈浮當以汗解之宜桂枝加

黃耆湯主之、方見水病中

諸黃猪膏髮煎主之、

猪膏髮煎方、

猪膏

斤半

亂髮

如鷄子大三枚

右二味和膏中煎之、髮消藥成分再服、病從小便出、

黃疸病茵陳五苓散主之、

一本云茵陳湯及五苓散並主之

茵陳五苓散方

茵陳蒿末

十分

五苓散

五分方見痰飲中

右二物和先食飲方寸匕、日三服、

黃疸腹滿、小便不利而赤、自汗出、此為表和裏實、當下之、

宜大黃消石湯

大黃消石湯方

大黃

黃蘗

消石

各四兩

梔子

十五枚

右四味以水六升、煮取三升、去滓、內消石、更煮取一升、

頓服、

黃疸病、小便色不變、欲自利、腹滿而喘、不可除熱、熱除必

噦、噦者小半夏湯主之、

方見痰飲中

諸黃腹痛而嘔者、宜茈胡湯、

必小茈胡湯方見嘔吐中

男子黃小便自利、當與虛勞小建中湯、

方見虛勞中

附方

瓜蒂湯治諸黃、方見腸病中

千金麻黃醇酒湯治黃疸、

麻黃三兩

右一味以美清酒五升煮取二升半頓服盡冬月用酒春月用水煮之

○驚悸吐衄下血胸滿瘀血病脉證治第十六

脉證十二條 方五首

寸口脉動而弱動即為驚弱則為悸○師曰尺脉浮目睛暈黃衄未止暈黃去目睛慧了知衄今止○又曰從春至夏衄者太陽從秋至冬衄者陽明○衄家不可汗汗出必

狀一作伏

額上陷脉緊急直視不能眴不得眠○病人而無血色無寒熱脉沉弦者衄浮弱手按之絕者下血煩欬者必吐血○夫吐血欬逆上氣其脉數而有熱不得卧者死○夫酒客欬者必致吐血此因極飲過度所致也○寸口脉弦而大弦則為減大則為朮減則為寒朮則為虛寒虛相搏此名曰革婦人則半產漏下男子則亡血○亡血不可發其表汗出則寒慄而振○病人胸滿唇痿舌青口燥但欲嗽水不欲嚥無寒熱脉微大來遲腹不滿其人言我滿為有瘀血○病者如熱狀煩滿口乾燥而渴其脉反無熱此為陰伏是瘀血也當下之

火邪者、桂枝去芍藥加蜀漆牡蠣龍骨救逆湯主之、
桂枝救逆湯方、

桂枝 二兩 去皮 甘草 三兩 炙 生薑 六兩 牡蠣 五兩 熬

龍骨 四兩 大棗 十二枚 蜀漆 三兩 洗 去腥

右為末、以水一斗二升、先煮蜀漆、減二升、內諸藥、後取三升、去滓、溫服一升、

心下悸者、半夏麻黃丸主之、

半夏麻黃丸方、

半夏 麻黃 等分

右二味、末之、煉蜜和、丸小豆大、飲服三丸、日三

吐血不止者、柏葉湯主之、

柏葉湯方

柏葉 乾薑 各三兩 艾 三把

右三味、以水五升、取馬通汁一升、合煮取一升、分溫再服、

下血、先便後血、此遠血也、黃土湯主之、

黃土湯方 亦主吐血衄血

甘草 乾地黄 白朮 附子 炮

阿膠 黃芩 各三兩 竈中黃土 半斤

右七味、以水八升、煮取三升、分溫二服、

下血先血後便此近血也赤小豆當歸散主之方見孤惑中
心氣不足吐血衄血瀉心湯主之

瀉心湯方亦治霍亂

大黃二兩 黃連 黃芩各二兩

右三味以水三升煮取一升頓服之

○嘔吐噦下利病脈證治第十七論一首 脈證二十七條 方二十二首

夫嘔家有癰膿不可治嘔膿盡自愈○先嘔却渴者此為欲解先渴却嘔者為水停心下此屬飲家嘔家本渴今反不渴者以心下有支飲故也此屬支飲○問曰病人脈數數為熱當消穀引食而反吐者何也師曰以發其汗令陽

微膈氣虛脈乃數數為客熱不能消穀胃中虛冷故也脈弦者虛也胃氣無餘朝食暮吐變為胃反寒在於上醫反下之令脈反弦故名曰虛○寸口脈微而數微則無氣無氣則榮虛榮虛則血不足血不足則胸中冷○跌陽脈浮而濇浮則為虛虛則傷脾脾傷則不磨朝食暮吐暮食朝吐宿穀不化名曰胃反脈緊而濇其病難治病人欲吐者不可下之噦而腹滿視其前後知何部不利利之即愈嘔而胸滿者茱萸湯主之

茱萸湯方

吳茱萸二升 人參三兩 生薑六兩 大棗十枚

右四味以水五升煮取三升溫服七合日三服

乾嘔吐涎沫頭痛者茱萸湯主之上方見

嘔而腸鳴心下痞者半夏瀉心湯主之

半夏瀉心湯方

半夏半斤 黃芩 乾薑 人參各三兩

黃連一兩 大棗十二枚 甘草三兩

右七味以水一斗煮取六升去滓再煮取三升溫服一

升日三服

乾嘔而利者黃芩加半夏生薑湯主之

黃芩加半夏生薑湯方

黃芩三兩 甘草二兩 芍藥三兩

半夏半斤 生薑四兩 大棗十二枚

右六味以水一斗煮取三升去滓溫服一升日再夜一

服

諸嘔吐穀不得下者小半夏湯主之方見痰飲中

嘔吐而病在膈上後思水者解急與之思水者猪苓散主

之

猪苓散方

猪苓 茯苓 白朮各等分

右三味杵為散、飲服方寸匕、日三服、

嘔而脉弱、小便復利、身有微熱、見厥者難治、四逆湯主之、

四逆湯方、

附子

一枚 生用

乾薑

一兩 半

甘草

二兩 炙

右三味、以水三升、煮取一升、三合、去滓、分溫再服、強人

可大附子一枚、乾薑三兩、

嘔而發熱者、小茈胡湯主之、

小茈胡湯方、

茈胡

半斤

黃芩

三兩

人參

三兩

甘草

二兩

半夏

半斤

生薑

三兩

大棗

十二枚

右七味、以水一斗二升、煮取六升、去滓再煎、取三升、溫

服一升、日三服、

胃反嘔吐者、大半夏湯主之、千金云治胃反不受食、食入

者鞭

即多吐外臺云治嘔心下痞

大半夏湯方、

半夏

二升 洗 完用

人參

三兩

白蜜

一升

右三味、以水一斗二升、和蜜、揚之二百四十遍、煮取二

升半、溫服一升、餘分再服、

食已即吐者、大黃甘草湯主之、

外臺治吐水

大黃甘草湯方、

大黃 兩四

甘草 兩一

右二味以水三升煮取一升分溫再服

胃反吐而渴欲飲水者茯苓澤瀉湯主之

茯苓澤瀉湯方

外臺治消渴脉絕胃反吐食又有小麥二升

茯苓 斤半

澤瀉 兩四

甘草 兩二

桂枝 兩二

白朮 兩三

生薑 兩四

右六味以水一斗煮取三升內澤瀉再煮取二升半溫服八合日三服

吐後渴欲得水而貪飲者文蛤湯主之兼主微風脉緊頭

痛

文蛤湯

文蛤 兩五

麻黃

甘草

生薑 各三兩

石膏 兩五

杏仁 五十筒

大棗 十二枚

右七味以水六升煮取二升溫服一升汗出即愈

乾嘔吐逆吐涎沫半夏乾薑散主之

半夏乾薑散方

半夏

乾薑 等分

右二味杵為散取方寸匕漿水一升半煎取七合頓服之病人胸中似喘不喘似嘔不嘔似噦不噦徹心中憤憤然無奈生薑半夏湯主之

生薑半夏湯方、

半夏 升半

生薑汁 升一

右二味以水三升、煮半夏取二升、內生薑汁、煮取一升半、小冷分四服、日三夜一、嘔止停後服、

乾嘔噦若手足厥者橘皮湯主之、

橘皮湯方、

橘皮 兩四

生薑 斤半

右二味以水七升、煮取三升、溫服一升、下咽即愈、噦逆者橘皮竹筍湯主之、

橘皮竹筍湯、

橘皮 斤二

竹筍 斤二

大棗 三十枚

生薑 斤半

甘草 兩五

人參 兩一

右六味以水一斗、煮取三升、溫服一升、日三服、

夫六府氣絕於外者、手足寒、上氣脚縮、五臟氣絕於內者、利不禁、下甚者、手足不仁、○下利脉沉弦者、下重、脉大者為未止、脉微弱數者、為欲自止、雖發熱不死、○下利、手足厥冷、無脉者、灸之不溫、若脉不還、反微喘者、死、少陰負趺陽者、為順也、○下利有微熱而渴、脉弱者、令自愈、○下利脉數、有微熱、汗出、令自愈、設脉緊、為未解、○下利脉數而渴者、令自愈、設不差、必清膿血、以有熱故也、○下利脉反

熱
作厥

弦發熱身汗者自愈。○下利氣者當利其小便。○下利寸
脉反浮數尺中自濡者必清膿血。○下利清穀不可攻其
表汗出必脹滿。○下利脉沉而遲其人面少赤身有微熱
下利清穀者必鬱冒汗出而解病人必微熱所以然者其
面戴陽下虛故也。○下利後脉絕手足厥冷晷時脉還手
足溫者生脉不還者死。○下利腹脹滿身體疼痛者先溫
其裏乃攻其表溫裏宜四逆湯攻表宜桂枝湯。

四逆湯 方見上

桂枝湯方

桂枝 三兩 去皮

芍藥 三兩

甘草 三兩 炙

生薑 三兩

大棗 十二枚

右五味咬咀以水七升微火煮取三升去滓適寒溫服
一升服已須臾啜熱粥一升以助藥力溫覆令一時許
遍身絜絜微似有汗者益佳不可令如水淋漓若一服
汗出病差停後服。

下利三部脉皆平按之心下堅者急下之宜大承湯。○下
利脉遲而滑者實也利未欲止急下之宜大承氣湯。○下
利脉反滑者當有所去下乃愈宜大承氣湯。○下利已差
至其年月日時復發者以病不盡故也當下之宜大承氣
湯大承氣湯方 見瘧病中

下利譫語者有燥屎也、小承氣湯主之、

小承氣湯方、

大黃四兩

厚朴二兩

枳實大者三枚

右三味以水四升、煮取一升二合、去滓、分溫二服、得利則止

下利便膿血者、桃花湯主之、

桃花湯方、

赤石脂

一斤一半剉

乾薑一兩

粳米一升

右三味以水七升、煮米令熟、去滓、溫七合、內赤石脂末方寸七、日三服、若一服愈、餘勿服、

熱利下重者、白頭翁湯主之、

白頭翁湯方、

白頭翁二兩

黃連

黃蘗

秦皮各二兩

右四味以水七升、煮取二升、去滓、溫服一升、不愈更服、下利後更煩、按之心下濡者、為虛煩也、梔子豉湯主之、

梔子豉湯方、

梔子

十四枚

香豉

四合

右二味以水四升、先煮梔子、得二升半、內豉、煮取一升半、去滓、分二服、溫進一服、得吐則止、

下利清穀、裏寒外熱、汗出而厥者、通脈四逆湯主之、

通脈四逆湯方、

附子 大者一枚 生用 乾薑 三兩 強者四兩 甘草 二兩 炙

右三味以水三升煮取一升一合去滓分温再服、下利肺痛紫參湯主之、

紫參湯方、

紫參 半斤 甘草 三兩

右二味以水五升先煮紫參取二升內甘草煮取一升半分温三服 疑非仲景方

氣利訶梨勒散主之、

訶梨勒散方、

訶梨勒 十枚 煨

右一味為散粥飲和頓服 疑非仲景方

附方

千金翼小承氣湯治大便不通噦數譫語 方見上

外臺黃芩湯治乾嘔下利、

黃芩 人參 乾薑 各三兩

桂枝 一兩 大棗 十二枚 半夏 半升

右六味以水七升煮取三升温分三服、

○瘡癰腸癰浸淫病脉證并治第十八 論一首脉證三條方五首

諸浮數脉應當發熱而反洒淅惡寒若有痛處當發其癰、師曰諸癰腫欲知有膿無膿以手掩腫上熱者為有膿不

熱者為無膿、

腸癰之為病其身甲錯、腹皮急、按之濡如腫狀、腹無積聚、身無熱、脈數、此為腸內有癰膿、薏苡附子敗醬散主之、

薏苡附子敗醬散方、

薏苡仁十分 附子二分 敗醬五分

右三味、杵為末、取方寸匕、以水二升、煎減半、頓服、小便當下、

腸癰者、小腹腫痞、按之即痛、如淋、小便自調、時時發熱、自汗出、復惡寒、其脈遲緊者、膿未成、可下之、當有血、脈洪數者、膿已成、不可下也、大黃牡丹湯主之、

大黃牡丹湯方、

大黃四兩 牡丹一斤 桃仁五十箇

瓜子半升 芒消三合

右五味、以水六升、煮取一升、去滓、內芒消、再煎沸、頓服之、有膿當下、如無膿、當下血、

問曰、寸口脈浮微而澁、法當亡血、若汗出、設不汗者、云何、答曰、若身有瘡、被刀斧所傷、亡血故也、病金瘡、王不留行散主之、

王不留行散方、

王不留行十分 蒴藿細葉七分

桑東南根白皮十分 甘草十分

金匱要略 卷之中 三

川椒三分除目及閉口去汗

黃芩二分

乾薑二分

芍藥二分

厚朴二分

右九味、桑根皮以上三味、燒灰存性、勿令灰過、各別杵篩、合治之為散、服方寸七、小瘡即粉之、大瘡但服之、產後亦可服、如風寒、桑東根勿取之、前三物皆陰乾百日、排膿散方、

枳實

十六枚

芍藥

六分

桔梗

二分

右三味、杵為散、取鷄子黃一枚、以藥散與鷄黃相等、揉和合相得、飲和服之、日一服、排膿湯方、

排膿三
方疑係
附方
徽按鷄
字下當
有子字

甘草二兩

桔梗三兩

生薑一兩

右四味、以水三升、煮取一升、溫服五合、日再服、

浸淫瘡、從口流向四肢者可治、從四肢流來入口者不可治、浸淫瘡、黃連粉主之、方未見

跌蹶、手指臂腫、轉筋、陰狐、疝、蛇、蟲、病、脉證、并治、第

十九

論一首 脉證一條 方四首

師曰、病跌蹶、其人但能前不能却、刺腓入二寸、此太陽經傷也、病人常以手指臂腫動、此人身體瞶瞶者、藜蘆、甘草湯主之、方未見

轉筋之為病、其人臂脚直、脉上下行微弦、轉筋入腹者、鷄

尿白散主之、

鷄屎白散方、

鷄屎白

右一味為散取方寸匕、以水六合和、溫服、

陰狐疝氣者、偏有小大、時時上下、蜘蛛散主之、

蜘蛛散方、

蜘蛛

十四枚
熬焦

桂枝

兩半

右二味為散取八分一七、飲和服、日再服、蜜丸亦可、

問曰、病腹痛有蟲、其脈何以別之、師曰、腹中痛、其脈當沉、若弦、反洪大、故有蛇蟲、

蛇蟲之為病、令人吐涎、心痛發作、有時、毒藥不止、甘草粉蜜湯主之、

甘草粉蜜湯方、

甘草

二兩

粉

一兩

蜜

四兩

右三味、以水三升、先煮甘草取二升、去滓、內粉蜜攪令
和、煎如薄粥、溫服一升、差即止、

蛇厥者、當吐蛇、令病者靜而復時煩、此為藏寒、蛇上入膈、故煩、須臾復止、得食而嘔、又煩者、蛇聞食臭出、其人當自吐蛇、蛇厥者、烏梅丸主之、

烏梅丸方、

烏梅 三百箇

細辛 六兩

乾薑 十兩

黃連 一斤

當歸 四兩

附子 六兩炮

川椒 四兩去汗

桂枝 六兩

人參

黃蘗 各六兩

右十味異搗篩合治之以苦酒漬烏梅一宿去核蒸之五升米下飯熟搗成泥和藥令相得內臼中與蜜杵五千下丸如梧子大先食飲服十九日三服稍加至二十丸禁生冷滑臭等食

新編金匱要略方論卷之中

新編金匱要略方論卷之下

尚書司封郎中充秘閣校理 臣 林億等詮次

漢張仲景著

晉

王叔和撰次

○婦人妊娠病脉證并治第二 脉證三條方八首

師曰婦人得平脉陰脉小弱其人渴不能食無寒熱名妊娠桂枝湯主之 方見利中於法六十日當有此證設有醫治逆

者却一月加吐下者則絕之

婦人宿有癥病經斷未及三月而得漏下不止胎動在臍

上者為癥痼害妊娠六月動者前三月經水利時胎下血者

一本胎字下有也字

作一本
不血

後斷三月衄也所以血不止者其癥不去故也當下其癥

桂枝茯苓丸方

桂枝

茯苓

牡丹去心

桃仁去皮
尖熬

芍藥各等分

右五味末之煉蜜和丸如兔屎大每日食前服一九不知加至三丸

婦人懷娠六七月脉弦發熱其胎愈脹腹痛惡寒者少腹如扇所以然者子藏開故也當以附子湯温其藏方未見師曰婦人有漏下者有半產後因續下血都不絕者有姙

因續

婦下血者假令姙娠腹中痛為胞阻膠艾湯主之

芎歸膠艾湯方

一方如乾薑一兩胡洽治婦人胞動無乾薑

芎窮

阿膠

甘草各二兩

艾葉

當歸各三兩

芍藥四兩

乾地黄六兩

右七味以水五升清酒五升合煮取三升去滓內膠令消盡温服一升日三服不差更作

婦人懷娠腹中疝痛當歸芍藥散主之

當歸芍藥散方

當歸三兩

芍藥一斤

茯苓四兩

白朮四兩

澤瀉一斤半

芎窮半斤一作三兩

金匱要略

卷下

二

作一本
不血

後斷三月，血不止者，其癥不去，故也。當下其癥。

桂枝茯苓丸主之

桂枝

茯苓

牡丹去心

桃仁去皮尖熬

芍藥各等分

右五味末之，煉蜜和丸。如兔屎大，每日食前服一九，不知加至三九。

婦人懷娠，六七月，脈弦發熱，其胎愈脹，腹痛惡寒者，少腹如扇，所以然者，子藏開故也。當以附子湯溫其藏。方未見師曰：婦人有漏下者，有半產後因續下血都不絕者，有妊

娠下血者，假令妊，娠腹中痛，為胞阻，膠艾湯主之。

芎歸膠艾湯方

一方如乾薑一兩胡洽治婦人胞動無乾薑

芎窮

阿膠

甘草各二兩

艾葉

當歸各三兩

芍藥四兩

乾地黄六兩

右七味，以水五升，清酒五升，合煮取三升，去滓，內膠令消盡，溫服一升，日三服，不差更作。

婦人懷娠，腹中疝痛，當歸芍藥散主之。

當歸芍藥散方

當歸三兩

芍藥一斤

茯苓四兩

白朮四兩

澤瀉一斤半

芎窮半斤一作三兩

右六味杵為散取方寸匕酒和日三服

妊娠嘔吐不止乾薑人參半夏丸主之

乾薑人參半夏丸方

乾薑 人參各一兩 半夏二兩

右三味末之以生薑汁糊為丸如梧子大飲服十九日三服

妊娠小便難飲食如故歸母苦參丸主之

當歸貝母苦參丸方男子加滑石半兩

當歸 貝母 苦參各四兩

右三味末之煉蜜丸如小豆大飲服三丸加至十丸

妊娠有水氣身重小便不利洒淅惡寒起即頭眩葵子茯苓散主之

葵子茯苓散方

葵子一斤 茯苓三兩

右二味杵為散飲服方寸匕日三服小便利則愈

婦人妊娠宜常服當歸散主之

當歸散方

當歸 黃芩 芍藥

芎藭各一斤 白朮半斤

右五味杵為散酒飲服方寸匕日再服妊娠常服即易

產胎無苦疾產後百病悉主之、
妊娠養胎白朮散主之、

白朮散方見外

白朮

芎藭各二分

蜀椒三分

牡蠣二分

右四味杵為散酒服一錢匕日三服夜一服但苦痛加
芎藥心下毒痛倍加芎藭心煩吐痛不能食飲加細辛
一兩半夏大者二十枚服之後更以醋漿水服之若嘔
以醋漿水服之復不解者小麥汁服之已後渴者大麥
粥服之病雖愈服之勿置、

婦人傷胎懷身腹滿不得小便從腰以下重如有水氣狀

善字下
脫腹字

懷身七月太陰當養不養此心氣實當刺瀉勞宮及關元
小便微利則愈見玉

○婦人產後病脉證治第二十一論一首 脉證六
條 方七首

問曰新產婦人有三病一者病瘧二者病鬱冒三者大便
難何謂也師曰新產血虛多汗出喜中風故令病瘧亡血
復汗寒多故令鬱冒亡津液胃燥故大便難產婦鬱冒其
脉微弱嘔不能食大便反堅但頭汗出所以然者血虛而
厥厥而必冒冒家欲解必大汗出以血虛下厥孤陽上出
故頭汗出所以產婦喜汗出者亡陰血虛陽氣獨盛故當
汗出陰陽乃復大便堅嘔不能食小茈胡湯主之方見嘔
吐中

病解能食七八日更發熱者此為胃實大承氣湯主之方見

中產

產後腹中疝痛當歸生薑羊肉湯主之并治腹中寒疝虛勞不足

當歸生薑羊肉湯方見寒疝中

產後腹痛煩滿不得卧枳實芍藥散主之

枳實芍藥散方

枳實燒令黑勿太過芍藥等分

右二味杵為散方寸匕日三服并主癰膿以麥粥下之

師曰產婦腹痛法當以枳實芍藥散假令不愈者此為腹

散字下脫服字

中有乾血着臍下宜下瘀血湯主之亦主經水不利

下瘀血湯方

大黃二兩 桃仁二十枚 蟅虫二十枚熬去足

右三味末之煉蜜和為四丸以酒一升煎一丸取八合

頓服之新血下如豚肝

產後七八日無太陽證少腹堅痛此惡露不盡不大便煩

躁發熱切脉微實再倍發熱日晡時煩躁者不食食則讞

語至夜即愈宜大承氣湯主之熱在裏結在膀胱也方見瘕病中

產後風續之數十日不解頭微痛惡寒時時有熱心下悶

乾嘔汗出雖久陽旦證續在耳可與陽旦湯即桂枝湯方見下利中

產後中風發熱面正赤喘而頭痛竹葉湯主之

竹葉湯方

竹葉一把

葛根三兩

防風

桔梗

桂枝

人參

甘草各一兩

附子一枚炮

大棗十五枚

生薑五兩

右十味以水一斗煮取二升半分溫三服溫覆使汗出

○頸項強用大附子一枚破之如豆大煎藥揚去沫嘔者加半夏半升洗

婦人乳中虛煩亂嘔逆安中益氣竹皮大丸主之

竹皮大丸方

生竹茹二分

石膏二分

桂枝一分

甘草七分

白薇一分

右五味末之棗肉和丸彈子大以飲服一九日三夜二

服有熱者倍白薇煩喘者加栝實一分

產後下利虛極白頭翁加甘草阿膠湯主之

白頭翁加甘草阿膠湯方

白頭翁

甘草

阿膠各二兩

秦皮

黃連

藥皮各三兩

右六味以水七升煮取二升半內膠令消盡分溫三服

附方

千金三物黃芩湯治婦人在草蓐自發露得風四肢苦煩熱頭痛者與小芫胡湯頭不痛但煩者此湯主之

黃芩一兩 苦參二兩 乾地黄四兩

右三味以水六升煮取二升溫服一升多吐下蟲

千金內補當歸建中湯治婦人產後虛羸不足腹中刺痛不止吸吸少氣或苦少腹拘急痛引腰背不能食飲產後一月日得服四五劑為善令人強壯

當歸四兩 桂枝三兩 芍藥六兩

生薑三兩 甘草二兩 大棗十二枚

右六味以水一斗煮取三升分溫三服一日令盡若大

虛加飴糖六兩湯成內之於火上煖令飴消若去血過多崩傷內衄不止加地黄六兩阿膠二兩合八味湯成內阿膠若無當歸以芎藭代之若無生薑以乾薑代之

○婦人雜病脉證并治第二十二論一首 脉證合十四條 方十三首

婦人中風七八日續得寒熱發作有時經水適斷此為熱入血室其血必結故使如瘧狀發作有時小芫胡湯主之

方見嘔吐中

婦人傷寒發熱經水適來晝日明了暮則讖語如見鬼狀然此為熱入血室治之無犯胃氣及上二焦必自愈

婦人中風發熱惡寒經水適來得七八日熱除脉遲身涼和

瘧按傷寒論得下有之

取一
作瀉

胸膈滿如結胸狀、讖語者、此為熱入血室也、當刺斯門、隨其實而取之、

陽明病下血讖語者、此為熱入血室、但頭汗出、當刺期門、隨其實而瀉之、澀然汗出者愈、

婦人咽中如有炙臙、半夏厚朴湯主之、

半夏厚朴湯方 千金作胸滿心下堅咽中帖帖如有炙肉吐之不出吞之不下

半夏 升一

厚朴 兩三

茯苓 兩四

生薑 兩五

乾蘇葉 兩二

右五味以水七升煮取四升分溫四服日三夜一服

婦人藏躁喜悲傷欲哭象如神靈所作數欠伸甘麥大棗

湯主之、

甘草小麥大棗湯方

甘草 兩三

小麥 升一

大棗 枝十

右三味以水六升煮取三升分溫三服亦補脾氣

婦人吐涎沫醫反下之心下即痞當先治其吐涎沫小青

龍湯主之涎沫止乃治痞瀉心湯主之

小青龍湯方 見肺癰中

瀉心湯方 見驚悸中

婦人之病因虛積冷結氣為諸經水斷絕至有歷年血寒積結胞門寒傷經絡凝堅在上嘔吐涎唾久成肺癰形體

損分在中盤結繞臍寒疝或兩脇疼痛與藏相連或結熱中痛在關元脉數無瘡肌若魚鱗時着男子非止女身在下未多經候不勻令陰掣痛少腹惡寒或引腰脊下根氣衝急痛膝脛疼煩奄忽眩冒狀如厥顛或有憂慘悲傷多嗔此皆帶下非有鬼神久則羸瘦脉虛多寒三十六病千變萬端審脉陰陽虛實緊弦行其針藥治危得安其雖同病脉各異源子當辯記勿謂不然

問曰婦人年五十所病下利數日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾

燥故知之當以溫經湯主之

溫經湯方

吳茱萸^{三兩}

當歸

芍藥

芍藥

人參

桂枝

阿膠

牡丹皮

生薑

甘草^{各二兩}

半夏^{半升}

麥門冬^{一升去心}

右十二味以水一斗煮取三升分溫三服亦主婦人少腹寒久不受胎兼治崩中去血或月水來過多及至期不來

帶下經水不利少腹滿痛經一月再見者土瓜根散主之

土瓜根散方^{陰癰腫亦主之}

土瓜根

芍藥

桂枝

麋蟲各三分

右四味杵為散酒服方寸七、日三服、

寸口脉弦而大、弦則為減、大則為芤、減則為寒、芤則為虛、

寒虛相搏、此名曰革、婦人則半產漏下、旋覆花湯主之、

旋覆花湯方

旋覆花三兩

葱十四莖

新絳少許

右三味以水三升、煮取一升、頓服之、

婦人陷經、漏下黑不解、膠薑湯主之、

臣億等按諸本無膠薑湯方想是妊娠中

膠艾湯

婦人少腹滿、如敦狀、小便微難而不渴、生後者、此為水與

血俱結在血室也、大黃甘遂湯主之、

大黃甘遂湯方

大黃四兩

甘遂二兩

阿膠二兩

右三味以水三升、煮取一升、頓服之、其血當下、

婦人經水不利下、抵當湯主之、

亦治男子膀胱滿急有瘀血者

抵當湯方

水蛭

三十筒熬

蟅蟲

三十枚熬去翅足

桃仁

二十筒去皮尖

大黃

三兩酒浸

右四味為末、以水五升、煮取三升、去滓、溫服一升、

婦人經水閉不利、藏堅癖不止、中有乾血、下白物、礬石丸

主之、

礬石丸方

礬石三分

杏仁一分

右二味末之、煉蜜和、凡棗核大、內藏中、劇者再內之、

婦人六十二種風、及腹中血氣刺痛、紅藍花酒主之、

紅藍花酒方疑非仲景方

紅藍花一兩

右一味、以酒一大升、煎減半、頓服一半、未止再服、

婦人腹中諸疾痛、當歸芍藥散主之、

當歸芍藥散方見前妊中

婦人腹中痛、小建中湯主之、

小建中湯方見前虛勞中

問曰、婦人病、飲食如故、煩熱不得卧、而反倚息者、何也、師曰、此名轉胞、不得溺也、以胞系了戾、故致此病、但利小便、則愈、宜腎氣丸主之、

腎氣丸方

乾地黄八兩

薯蕷四兩

山茱萸四兩

澤瀉三兩

茯苓三兩

牡丹皮三兩

桂枝

附子炮各一兩

右八味末之、煉蜜和、丸梧子大、酒下十五丸、加至二十五丸、日再服、

蛇床子散方、温陰中、坐藥、

蛇床子仁

右一味、末之以白粉少許、和令相得、如棗大、綿裏內之、自然温、

少陰脉滑而數者、陰中即生瘡、陰中蝕瘡爛者、狼牙湯洗之、

狼牙湯方

狼牙三兩

右一味、以水四升、煮取半升、以綿纏筋如繭、浸湯瀝陰中、日四遍、

胃氣下泄、陰吹而正喧、此穀氣之實也、膏髮煎導之、

膏髮煎方 見黃疽中

小兒疳蟲蝕齒方 疑非仲景方

雄黃 葶藶

右二味、末之、取臘日猪脂鎔、以槐枝綿裏頭四五枚、點藥烙之、

○雜療方第二十三 論一首 脉證一條 方二十二首

退五藏虛熱、四時加減、芫胡飲子方、

冬三月加芫胡八分 白朮八分 大腹楨柳四枚并皮子用

陳皮五分 生薑五分 桔梗七分

作烙一

蝕齒一方當在後雜療方中

分字上一有每帖二字再合下脫津字

春三月加枳實

減白木共六味

夏三月加生薑三分

枳實五分

甘草三分共八味

秋三月加陳皮三分共八味

右各咬咀分為三帖一帖以水三升煮取二升分溫三

服如人行四五里進一服如四體壅添甘草少許分作

三小帖每小帖以水一升煮取七合溫服再合為一服

重煮都成四服疑非仲景方

長服訶梨勒丸方疑非仲景方

訶梨勒煨 陳皮 厚朴各三兩

右三味末之煉蜜丸如梧子大酒飲服二十九加至三

十九

三物備急丸方見千金司空裴秀為散用亦可先和成汁乃傾口中令從齒間得入至良驗

大黃一兩 乾薑一兩 巴豆一兩去皮心熬別研如脂

右藥各須精新先擣大黃乾薑為末研巴豆內中合治

一千杵用為散蜜和丸亦佳密器中貯之莫令歇○主

心腹諸卒暴百病若中惡客忤心腹脹滿卒痛如錐刺

氣急口禁停尸卒死者以煖水若酒服大豆許三四丸

或不下捧頭起灌令下咽須臾當差如未差更與三丸

當腹中鳴即吐下便差若口禁亦須折齒灌之

治傷寒令愈不復紫石寒食散方見千金翼

散按歌字下當有氣字

紫石英

白石英

赤石脂

鍾乳

鍊確

括蕞根

防風

桔梗

文蛤

鬼臼

各十分

太一餘糧

十分

乾薑

桂枝

去皮四分

附子

炮去皮四分

右十三味杵為散酒服方寸匕、

救卒死方、

薤搗汁灌鼻中、

又方

雄鷄冠割取血管吹內鼻中、

猪脂如鷄子大苦酒一升煮沸灌喉中、

雞肝及血塗面上以灰圍四旁立起、

大豆二七粒以鷄子白并酒和盡以吞之、

救卒死而壯熱者方、

礬石半斤以水壹斗半煮消以漬脚令沒踝、

救卒死而目閉者方、

騎牛臨面搗薤汁灌耳中吹皂莢末鼻中立効、

救卒死而張口反折者方、

灸手足兩爪後十四壯了飲以五毒諸膏散有巴豆

者、

救卒死而四肢不收失便者方、

馬屎一升、水三斗、煮取二斗、以洗之、又取牛洞稀糞也

一升、溫酒灌口中、灸心下一寸、臍上三寸、臍下四寸、

各一百壯差、

救小兒卒死而吐利、不知是何病方、

狗屎一丸、絞取汁、以灌之、無濕者、水煮乾者取汁、

尸蹙脉動而無氣、氣閉不通、故靜而死也、治方、脉証見上卷

菖蒲屑、內鼻兩孔中吹之、今人以桂屑着舌下、

又方、

剔取左角髮方寸燒末、酒和灌令入喉、立起、

救卒死客忤死、還魂湯主之方、

千金方云、主卒忤鬼擊飛尸、諸奄忽氣絕無復覺或已無脉口禁、拗不開去齒下湯、湯入口不下者、分病人髮左右足踏肩引之、藥下復增取一升、須臾立甦。

麻黃 三兩去節 一方四兩

甘草 一兩 炙

杏仁 去皮尖 七十箇

右三味、以水八升、煮取三升、去滓、分令咽之、通治諸感

忤、

又方、

韭根 一把

烏梅 二七箇

吳茱萸 半升 炒

右三味、以水一斗、煮之以病人櫛內中、三沸、櫛浮者生、沉者死、煮取三升、去滓、分飲之、

徽按采
外臺作

救自縊死且至暮雖已冷必可治暮至旦小難也恐此當
言陰氣盛故也然夏時夜短於晝又熱猶應可治又云心
下若微温者一日以上猶可治之方

徐徐抱解不得截繩上下安被卧之一人以脚踏其
兩肩手少挽其髮常弦弦勿縱之一人以手按據胸
上數動之一人摩捋臂脛屈伸之若已殭但漸漸強
屈之并按其腹如此一炊頃氣從口出呼吸眼開而
猶引按莫置亦勿苦勞之須臾可少桂湯及粥清含
與之令濡喉漸漸能嚥吸稍止若向令兩人以管吹
其兩耳采好此法最善無不活者

弥程本
作孕

徽按外
臺按及
作若湯
瓶

凡中喝死不可使得冷得冷便死療之方

屈草帶繞喝人臍使三兩人溺其中令温亦可用熱
泥和屈草亦可扣瓦椀底若瓶按及車缸以着喝人取令
溺不得流去此謂道路窮卒無湯當令溺其中欲使
多人溺取令温若湯便可與之不可泥及車缸恐此
物冷喝既在夏月得熱泥土暖車缸亦可用也

救溺死方

取竈中灰兩石餘以埋人從頭至足水出七孔即活
右療自縊溺喝之法並出自張仲景爲之其意殊絕殆
非常情所及本草所能關實救人之大術矣傷寒家數

徽按外
臺若湯
間有有
字不可
作不用

有暍病非此遇熱之暍見外臺

治馬墜及一切筋骨損方見肘後

大黃一兩切候湯成下 緋帛如手大燒灰

亂髮如鷄子大燒灰用

久用炊單布一尺燒灰 敗蒲一握三寸

桃仁四十九箇去皮尖熬

甘草如中指節炙

右七味以童子小便量多少煎湯成內酒一大盞次下大

黃去滓分溫三服先剉敗蒲席半領煎湯浴衣被蓋覆

斯須通利數行痛楚立差利及浴水赤勿怪即瘀血也

○禽獸魚虫禁忌并治第二十四論辨二首合九十一法方二十一首

凡飲食滋味以養於生食之有妨反能為害自非服藥煉

熱字下有飲諸毒病得熱六字

液焉能不飲食乎切見時人不閉調攝疾疢競起莫不因食而生苟全其生須知切忌者矣所食之味有與病相宜有與身為害若得宜則益體害則成疾以此致危例皆難療凡煮藥飲汁以解毒者雖云救急不可熱更甚宜冷飲之○肝病禁辛心病禁鹹脾病禁酸肺病禁苦腎病禁甘春不食肝夏不食心秋不食肺冬不食腎四季不食脾辨曰春不食肝者為肝氣旺脾氣敗若食肝則又補肝脾氣敗尤甚不可救又肝旺之時不可以死氣入肝恐傷魂也若非王時即虛以肝補之佳餘藏準此

凡肝臟自不可輕嗽自死者彌甚○凡心皆為神識所舍

口閉一
作口不
閉
皆一作
及

勿食之、使人來生復其報對矣。○凡肉及肝、落地不着塵
土者、不可食之。○諸肉落水浮者、不可食。○諸肉及魚、若
狗不食、鳥不啄者、不可食。○諸肉不乾、火炙不動、見水自
動者、不可食之。○肉中有如朱點者、不可食之。○六畜肉、
熱血不斷者、不可食之。○父母及身本命肉食之、令人神
魂不安。○食肥肉及熱羹、不得飲冷水。○諸五藏及魚、投
地塵土不汚者、不可食之。○穢飯餒肉臭魚、食之皆傷人。
○自死肉、口閉者、不可食之。○六畜自死、皆疫死、則有毒、
不可食之。○獸自死、北首及伏地者、食之殺人。○食生肉、
飽飲乳、變成白虫。一作血蠱○疫死牛肉、食之令病洞下、亦致

堅積宜利藥下之。○脯藏米甕中有毒及經夏食之、發腎
病、

治自死六畜肉中毒方、

黃蘗屑、搗服方寸匕、

治食醬肉漏脯中毒方、

醬肉密器蓋之、隔宿者是也
漏脯茅屋漏下沾着者是也

燒犬屎酒服方寸匕、每服人乳汁亦良。○飲生韭汁

三升、亦得、

治黍米中藏乾脯食之中毒方、

大豆濃煮汁、飲數升、即解、亦治狸肉漏脯等毒、

治食生肉中毒方、

徽按肘
後裡作
諸外臺
同

徽按大
肘後作
人

徽按治
字下當
有食字

掘地深三尺取其下土三升以水五升煮數沸澄
清汁飲一升卽愈

治六畜鳥獸肝中毒方

水浸豆豉絞取汁服數升愈

馬脚無夜眼者不可食之○食駿馬肉不飲酒則殺人
馬肉不可熱食傷人心○馬鞍下肉食之殺人○白馬黑
頭者不可食之○白馬青蹄者不可食之○馬肉狍肉共
食飽醉卧大忌○驢馬肉合猪肉食之成霍亂○馬肝及
毛不可妄食中毒害人

治馬肝毒中人未死方

雄鼠屎二七粒末之水和服日再服屎光者是

又方

人垢取方寸匕服之佳

治食馬肉中毒欲死方

香豉

二兩

杏仁

三兩

右二味蒸一食頃熟杵之服日再服

又方

煮蘆根汁飲之良

疫死牛或目赤或黃食之大忌○牛肉共猪肉食之必作
寸白虫○青牛腸不可合犬肉食之○牛肺從三月至五

月、其中有虫、如馬尾、割去勿食、食則損人。○牛羊猪肉皆不得以楮木、桑木蒸炙食之、令人腹内生虫。○噉蛇牛肉殺人、何以知之、噉蛇者、毛髮向後順者是也。

治噉蛇牛肉食之欲死方、

飲人乳汁一升立愈、

又方、

以泔洗頭、飲一升愈、

牛肚細切、以水一斗、煮取一升、煖飲之、大汗出者愈、

治食牛肉中毒方、

甘草煮汁飲之即解、

羊肉、其有宿熱者、不可食之。○羊肉、不可共生魚酪食之、害人。○羊蹄甲中、有珠子白者、名羊懸筋、食之令人癩。○白羊黑頭、食其腦、作腸癰。○羊肝共生椒食之、破人五藏。○猪肉共羊肝和食之、令人心悶。○猪肉以胡荽同食、爛人臍。○猪脂、不可合梅子食之。○猪肉和葵食之、少氣。○鹿肉、不可和蒲白作羹食之、發惡瘡。○麋脂及梅李子、若妊婦食之、令子青盲、男子傷精。○麋肉、不可合蝦及生菜、梅李果食之、皆病人。○痼疾人、不可食熊肉、食熊肉令終身不愈。○白犬自死、不出舌者、食之害人。○食狗鼠餘、令人發瘦瘡。

治食犬肉不消、心下堅、或腹脹、口乾大渴、心急發熱、妄語如狂、或洞下方、

杏仁一升合皮熟研用

右以沸湯三升、和取并、分三服、利下肉片、大驗、

婦人妊娠、不可食兔肉、山羊肉、及鰲雞鴨、令子無聲音、○兔肉、不可合白雞肉食之、令人面發黃、○兔肉、着乾薑食之、成霍亂、○凡鳥自死、口不閉、翅不合者、不可食之、○諸禽肉、肝青者、食之殺人、○雞有六翮四距者、不可食之、○烏雞白首者、不可食之、○雞不可合葫蒜食之、滯氣、一云雞子○山雞不可合鳥獸肉食之、○雉肉久食之、令人瘦、○鴨

按千金翻作

卵不可合鰲肉食之、○婦人妊娠食雀肉、令子淫亂無恥、○雀肉不可合李子食之、○燕肉勿食入水、為蛟龍所噉、鳥獸有中毒箭死者、其肉有毒、解之方、

大豆煮汁、及鹽汁服之解、

魚頭正白、如連珠至脊上、食之殺人、○魚頭中無腮者、不可食、食之殺人、○魚無腸膽者、不可食、食之、三年陰不起、女子絕生、○魚頭似有角者、不可食之、○魚目合者、不可食之、○六甲日、勿食鱗甲之物、○魚不可合雞肉食之、○魚不得合鷓鴣肉食之、○鯉魚鮓、不可合小豆藿食之、其子不可合猪肝食之、害人、○鯉魚、不可合犬肉食之、○鯽魚、

按時
後中作
醫

四一
作四

不可合猴雉肉食之。云一不可合猪肝食。○鯢魚合鹿肉生食令人筋甲縮。○青魚鮓不可合生葫荇及生菜并麥中食之。○鱮鱓不可合白犬血食之。○龜肉不可合酒果子食之。○鱉目四陷者及厭下有王字形者不可食之。○其肉不得合雞鴨子食之。○龜鱉肉不可合芫菜食之。○鰕無鬚及腹下通黑煮之反白者不可食之。○食膾飲乳酪令人腹中生虫為瘕。

治之方
膾食之在心胸間不化吐復不出速下除之久成癥病

橘皮兩一
大黃兩二
朴消兩二

右三味以水一大升煮至小升頓服即消
食膾多不消結為癥病治之方

馬鞭草

右一味搗汁飲之○或以薑葉汁飲之一升亦消○又可服吐藥吐之

食魚後食毒兩種煩亂治之方

橘皮

右濃煎汁服之即解

食鱖魚中毒方

蘆根

按中
毒下當
有治之
二字

右煮汁服之即解

蠟目相向、足班目赤者、不可食之、

食蠟中毒治之方、

紫蘇

右煮汁飲之三升、○紫蘇子搗汁飲之亦良、

又方

冬瓜汁飲二升、食冬瓜亦可、

凡蠟未遇霜多毒、其熟者乃可食之、○蜘蛛落食中、有毒、勿食之、○凡蜂蠅虫蟻等多集食上、食之致癩、

○菓實菜穀禁忌并治第二十五

徽按米
恐果之
誤

果子生食生瘡、○果子落地經宿、虫蟻食之者、人大忌食之、○生米停留多日、有損處、食之傷人、○桃子多食、令人熱、仍不得入水浴、令人病淋瀝寒熱病、○杏酪不熟、傷人、○梅多食、壞人齒、○李不可多食、令人臃脹、○林檎不可食、多令人百脉弱、○橘柚多食、令人口爽、不知五味、○梨可不多食、令人寒中、金瘡產婦、亦不宜食之、○櫻桃杏多傷食筋骨、○安石榴不可多食、損人肺、○胡桃不可多食、人令動痰飲、○生棗多食、令人熱渴氣脹、寒熱羸瘦者、彌不可不食、傷人、

食諸果中毒治之方、

猪骨 燒過

右一味、末之、水服方寸匕、○亦治馬肝漏脯等毒、

木耳赤色、及仰生者、勿食、○菌仰卷、及赤色者、不食、

食諸菌中毒、悶亂欲死、治之方、

人糞汁飲一升、 土漿飲一二升、

大豆濃煮汁飲之、 服諸吐利藥、並解、

食楓桂菌、而哭不止、治之以前方、

誤食野芋、煩毒欲死、治之方、以前方

其野芋根山東人名魁芋人種芋三年不收亦成野芋並殺人

蜀椒閉口者、有毒、誤食之、戟人咽喉、氣閉欲絕、或吐下

本耳赤 一作木 耳青

挂一作 樹哭一 作笑

飲之下 脫多飲 冷水一 二升七 字

白沫、身體痺冷、急治之方、

肉桂煎汁飲之、 或食蒜

或飲地漿 或濃煮豉汁飲之、並解

正月勿食生葱、令人面生游風、○二月勿食蓼、傷人腎、○

三月勿食小蒜、傷人志性、○四月八月勿食胡荽、傷人神、

○五月勿食韭、令人乏氣力、○五月五日勿食一切生菜、

發百病、○六月七月勿食茱萸、傷神氣、○八月九月勿食

薑、傷人神、○十月勿食椒、損人心、傷心脉、○十一月十二

月勿食薤、令人多涕唾、○四季勿食生葵、令人飲食不化、

發百病、非但食中、藥中皆不可用、深宜慎之、○時病差未健、

徽按蒜
一本作
韭

食生菜、手足必腫。○夜食生菜、不利人。○十月勿食被霜生菜、令人面無光、目澁、心痛、腰疼、或發心瘡、瘡發時、手足十指爪皆青、困委。○葱韭初生芽者、食之傷人心氣。○飲白酒食生韭、令人病增。○生葱不可共蜜食之、殺人、獨顆蒜彌忌。○棗合生葱食之、令人病。○生葱和雄雞雉白犬肉食之、令人七竅經年流血。○食糖蜜、後四日內、食生葱、蒜、令人心痛。○夜食諸薑蒜葱等、傷人心。○蕪菁根多食、令人氣脹。○蕪不可共牛肉作羹食之、成瘕病、韭亦然。○蓴多食、動痔疾。○野苣不可同蜜食之、作內痔。○白苣不可共酪同食、作蠶蟲。○黃瓜食之、發熱病。○葵心不可食。

徽按別
錄冷下
有利字
赤一
作紫

傷人、葉尤冷、黃背赤莖者、勿食之。○胡荽久食之、令人多忘。○病人不可食胡荽、及黃花菜。○芋不可多食、動病。○妊婦食薑、令子餘指。○蓼多食、發心痛、蓼和生魚食之、令人奪氣、陰效疼痛。○芥菜不可共兔肉食之、成惡邪病。○小蒜多食、傷人心力。

食躁或躁方、

豉

右濃煮汁飲之、

鉤吻與芥菜相侶、誤食之、殺人、解之方、

肘後云與菜
黃食芥相侶

芥菜
八兩

食躁或
躁方當
作食訛
菜中毒
治之方

右一味水六升、煮取二升、分温二服、鈞吻生地傍無草其莖有毛者以此

菜中有水菘若、葉圓而光、有毒、誤食之、令人狂亂、狀如中風、或吐血、治之方、

甘草

石煮汁服之即解、

春秋二時、龍帶精人芹菜中、人偶食之為病、發時手青、腹滿痛不可忍、名蛟龍病、治之方、

硬糖二三升

右一味、日兩度服之、吐出如蜥蜴三五枚、差

糖一作錫

食苦瓠中毒治之方、

黍穰

右煮汁數服之、解、

癰一本作懈

忌一作醉

扁豆寒熱者不可食之、○久食小豆令人枯燥、○食大豆屑、忌噉猪肉、○大麥久食令人癰、○白黍米不可同飴蜜食、亦不可合葵食之、○苽麥麪多食令人髮落、○鹽多食傷人肺、○食冷物、冰人齒、○食熱物、勿飲冷水、○飲酒食生蒼耳、令人心痛、○夏月大醉汗流、不得冷水洗着身、及使扇、即成病、○飲酒大忌炙腹背、令人腸結、○醉後勿飽食、發寒熱、○飲酒食猪肉、卧秫稻穰中、則發黃、○食飴多

多一
作糖

飲酒大忌。○凡水及酒，照見人影動者，不可飲之。○醋合
酪食之，令人血痲。○食白米粥，勿食生蒼耳，成走疰。○食
甜粥已，食鹽即吐。○犀角筋，攪飲食沫出，及澆地墳起者，
食之殺人。

飲食中毒煩滿治之方、

苦參 三兩

苦酒 一升半

右二味，煮三沸，三上三下，服之，吐食出，即差。或以水煮
亦得。

又方

犀角湯亦佳、

貪食食多不消，心腹堅滿痛，治之方、

鹽 一升

水 三升

右二味，煮令鹽消，分三服，當吐出食便差、

成一
作氣

礬石生入腹，破人心肝，亦禁水。○商陸以水服，殺人。○葶
藶子傳頭瘡，藥入腦，殺人。○水銀入人耳，及六畜等，皆
死，以金銀着耳邊，水銀則吐。○苦棟無子者，殺人。
汁

凡諸毒，多是假毒，以投元知時，宜煮甘草薺芫汗飲之、

通諸毒藥、

并當
作汁
通下
一有
解字

新編金匱要畧方論卷下 終

享和元年辛酉十一月

皇都諧仙堂藏板

書肆

浦井德右衛門
林權兵衛

全山房集 卷一 三

